

癡

說

此股文章作法以
鄉賢所著故購度之

一
函
冊

癡說卷之二

寄見

河間紀蔭田先生著

長白保慶雲門校

瀛海戈熾柳堂編鐫

美惡存諸一已棄取因乎其人牽牛於此弓人愛其角皮工賞其革屠戶遇之喜其肉農夫見之贊其力是豈牛之巧承棄取乎其人之知識不一而美惡遂見各殊低昂聽之於人進退視其所遇有石於此較金則爲輕較羽則爲重比之於塊則甚堅比之於

玉則可磷是豈石之自爲進退乎所遇之比類不同而低昂相形以異

聖人無奇行眾人所難知難能聖人亦無如何而其異於眾人者不作聰明以求勝萬物天下無奇事聖賢所獨見獨聞天下皆能共喻而其異於聖賢者畏難苟安以自甘下賤

無知人之明不可以任人而任人之道又當易其知人之心蓋知人無厭其詳詳則賢愚必察我方不

至爲人愚任人惟忌其苛苛則求全責備人將不樂爲我用

是非亂於小人理欲辨於君子然使君子而自潔其身善惡或可以並育乃君子而法嚴小人之條力絕小人之弊而並欲誘掖小人同躋於君子之路則生人自此多故道德隆於君子法度壞於小人然使小人而自行其術陰陽猶可以相敵乃小人而竊附君子之名假借君子之法而並能巧恃君子爲濟其

此千古小人之
勝算也

小人之私則禍患因無底止

千古君子與小人相爭未有不爲小人所困者

豈眞邪正之不敵蓋以君子則有所不爲而小人則無微不至不惟小人竊附君子之名借君子之法以求勝於君子而君子以德自處惟恐跡涉小人又何肯假借小人之術以取服於小人且君子心存濟物從無傾殺小人之心並欲誘掖天下小人同歸於君子之路若小人則未有不以陷害君子爲快者

眾人皆醉醒者爲醉舉世皆愚智者爲愚

畏葸也而以謂

鎮靜姑息也而以謂慈祥躁妄也而以謂果敢滔滔皆是又焉能尋遍天下之人而與之較論眞假乎亦可慨也

是非有不辯之時理欲有必爭之道

厭故喜新人情之常乃舊染污習終身由之而不
厭文過飾非志在欺人乃事已敗露情知難掩而必
文

先王設祿位以尊道德而千古之反道敗德者半
成於富貴之念切而無所顧忌聖人隆庠校以崇仁
義而後世之培仁擊義者卽由於學問之途寬而資
其橫議不

臨非常之難者更當處之以易奇謀設備過計深

藏未有不愈想愈惑者至理止在眼前進退必無兩
立眾人不可奈何聖人亦無如何既不能令又不受
命勢至春蠶自縛而愚智同情是誠在所難解除積
弊之流者須當力窮其源見頭論頭見足論足未有
不愈治愈壞者釜底之薪不除止沸之水徒添作事
期於無事息事適以生事粉飾太平諛揚德化何殊
掩耳盜鈴而千古一轍是又堪爲一哭

論他人之是非斷不可以一言一行之長短輒事

舒王青苗法何
嘗立心悞國

譏評須當度其心量其力視其所處之境遇原始要
終設身處地而尤須自信真知毫無偏見方謂持平
之論否則臆斷妄議不惟失人並亦失已議天下之
得失斷不可因一時一事之利弊輕事更張須當窮
其源防其流揆其時勢之順逆量力度德言中行達
而尤須心存至公一無私意方謂切時之議否如管
窺蛙見不惟無補並將增害

堯父克君而無合子禹子敬承而遭凶父而大舜

際兩聖人之變文得人心未集天命武受天命未洽
人心而周公兼兩聖人之難

德怨起於施授報復因乎恩讎

爭讓本無兩義好惡亦只一情推美於人則爲讓
歸惡於人則爲爭掠美於已則爲爭引惡於已則爲
讓拂其所好則好轉爲惡而惡卽起於所好除其所
惡則惡轉爲好而好卽生於所惡

利害限於時勢趨避因乎人情然而趨避之念一

動利害之情必殷得失內營則先事之趨避未有不
爲猝至之利害所撓從違準乎理義吉凶聽諸命定
然而吉凶之念一存從違之志必惑進退失據則無
憑之吉凶安得不與當然之從違相左

法以治世而無執法之吏藥能起死而無用藥之

醫

詩書無後起則賢愚得失無由論定禮樂有先進
則善惡法戒有所遵循乃恆見善惡棄取日談法戒

賢愚是非洞見得失而體之身心一無實益是豈學問之過蓋觀人則明觀己則昏責人則嚴責己則寬夫昏明寬嚴之昧於人已者一由於自惑一由於自恕自惑而有時或覺尙有自省之日自恕而意雖近欺究爲自反之心乃明知己惡而偏好言人之不善而稱人之賢自若情甘於爲愚借學問爲欺世之端並將所謂勉善去惡此賢彼愚者一若盡視爲他人之事而已爲局外閒觀本無所與則誦讀之士宛如

優人演劇宜其終身無長進之時

天下事固有未便明言而又不能不使其知者亦有無妨直陳並亦似可勿須於告者夫婉言諷意俾人自悟旣興其愧勉之心又不傷忠厚之道此誠聖賢立言之妙用乃世之人不察凡於一切言語之間旣不擇人亦不論事一味巧言自市比刺旁譏在已則言不盡意已形其苛在人則誤會其旨反以觸疑况施之於智者殊無須此而施之於愚者依然不悟

而比比皆然不惟有傷厚道並亦甚屬無謂

法愈嚴而弊愈生官愈眾而事愈廢心益巧而行益拙議益多而功益少

政令有易地難通之處推之以誠則異域皆通法度有易世卽弊之時行之以恕則百年無弊

一日之弊政百年除之而不足百年之良法一日壞之而有餘一小人之亂眾君子平之而不足眾君子之治一小人敗之而有餘

仙佛見地

豪傑本領

多一分知識增一番苦惱然而冥情之流知愈明而心愈放狹量之人識愈開而意愈滿又不可與血性俠任之士同日而語經一會閱歷長一層學問然而昏頹之輩閱益透而思益惑滑稽之徒歷益深而心益壞又不可與會心自勉之士一例而觀

處公事而心存私念未有不公私兩敗者然使假公便私直言無欺而遇志切濟公者亦未始不以權宜時勢曲爲周全乃明因私計而又偏好託爲公論

巧言敗道並使正人君子之議阻不行公事廢而私
亦因之以無成况意圖些須之私利致廢莫大之公
便此尤千古之倍堪切齒因人事而乘爲己利未有
不人已並失者然使損人益己推誠相求而遇心存
厚道者亦未始不以大度爲懷慷慨樂助乃得便於
己而反動稱受累於人挾勢明操並使疎財仗義之
德施無名人情負而已亦徒形其過巧况受恩而慮
恐圖報尋隙而藉詞非負此尤人情之共堪瞋目

世俗一個私慾
肚皮燎如觀火

一字一淚一字
一血

事先多能事後多見談避就於旁觀人皆我勇論
是非於已定吾亦予知失物疑大得物疑小圖所欲
而不獲益覺其美如所願而儘取惟見其惡

繼統之君求治如渴而千古之智勇才能恆不得
盡其所長蓋以獲上最難而謀深慮遠又不克於事
竟功成之先而預能取諒於人開國之主愛才成癖
而季世之勲臣名將每不獲善其所終蓋以處盈甚
危而功高震主又何可於鳥盡弓藏之日而必欲利

居其功

誠以事上而盡之以義不可存悅人之心取人之
悅則喪已之天况諂附逢迎早已爲識者所笑徒爲
而自低其品禮以接下而通之以情不可縱快已之
欲遂已之快則拂人之性况驕盈肆志適足爲君子
之憂何爲而徒自取謫

以仁居心以義處事義足而仁乃全以義治我以
仁治人仁至而義亦盡